



Broj: 16-12-16-7020- 23 /20
I. Sarajevo, 07.12 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2020. godini, broj 16-12-16-7020/20 od 04.12.2020. godine, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavu ponuda za javnu nabavku usluga redovnog i kasko osiguranja vozila Državne agencije za istrage i zaštitu

Član 1.

Prihvata se preporuka Komisije I za provođenje postupka nabavke za potrebe Državne agencije za istrage i zaštitu u 2020. godini broj 16-12-16-7020/20 od 04.12.2020. godine i ugovor za javnu nabavku usluga redovnog i kasko osiguranja vozila Državne agencije za istrage i zaštitu, za period od dvije godine, dodjeljuje ponuđaču "Adriatic osiguranje" d.d. Sarajevo, za ponudenu cijenu od 31.031,94 KM bez uračunatog PDV-a.

Član 2.

- (1) Ponuđač "Adriatic osiguranje" d.d. Sarajevo obavezan je ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Tenderske dokumentacije.
- (2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga redovnog i kasko osiguranja vozila Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-7020-1/20 od 22.10.2020. godine, putem konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-2-247-3-43/20 od 27.10.2020. godine. Procijenjena vrijednost javne nabavke je ukupno 44.000,00 KM bez uračunatog PDV-a za period od 2 (dvije) godine. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20) i Dokumenta okvirnog budžeta 2020-2022. godina.

Komisija za provođenje konkurentskog zahtjeva za dostavljanje ponuda za javnu nabavku usluga redovnog i kasko osiguranja vozila Agencije (u daljem tekstu: Komisija) dostavila je Izvještaj o radu broj 16-12-16-7020/20 od 04.12.2020. godine sa preporukom o izboru najpovoljnijeg ponuđača u postupku javne nabavke usluga redovnog i kasko osiguranja vozila Agencije.

Tačkom 6. Tenderske dokumentacije navedeno je da je rok za dostavljanje ponuda 11.11.2020. godine do 13,00 sati, te da se ponude dostavljaju u zatvorenoj kovrti. Komisija je dana 11.11.2020. godine u 14,00 sati izvršila javno otvaranje ponuda prema datumu i vremenu prijema, numerišući kovrte. Javnom otvaranju ponuda prisustvovali su predstavnici ponuđača "Wiener osiguranje" VIG AD Banja Luka g-din Rasko Jakovljević i "Euroherc" osiguranje d.d. Sarajevo g-din Haris Branković.

Blagovremeno je dostavljeno osam ponuda i to:

Red. broj	Naziv ponuđača	Vrijednost ponude (bez PDV-a)
1.	"Sarajevo osiguranje" d.d. Sarajevo	42.918,43 KM
2.	"Osiguranje AURA" a.d. Banja Luka	41.723,82 KM
3.	"Dunav osiguranje" a.d. Banja Luka	43.853,30 KM
4.	"Drina osiguranje" AD Milići	67.181,77KM
5.	"Euroherc" osiguranje d.d. Sarajevo	59.737,19 KM
6.	"Wiener osiguranje" VIG AD Banja Luka	38.470,74 KM
7.	"Adriatic osiguranje" d.d. Sarajevo	31.031,96 KM
8.	"ASA osiguranje" d.d. Sarajevo	56.220,78 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači "Sarajevo osiguranje" d.d. Sarajevo, "Osiguranje AURA" a.d. Banja Luka, "Dunav osiguranje" a.d. Banja Luka, "Drina osiguranje" AD Milići, "Euroherc" osiguranje d.d. Sarajevo, "Wiener osiguranje" VIG AD Banja Luka, "Adriatic osiguranje" d.d. Sarajevo i "ASA osiguranje" d.d. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i

finansijske sposobnosti, te tehničke i profesionalne sposobnosti. Takođe, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji.

Dalje, Komisija je uvidom u ponude ponuđača "Sarajevo osiguranje" d.d. Sarajevo, "Drina osiguranje" AD Milići, "Euroherc" osiguranje d.d. i "Adriatic osiguranje" d.d. Sarajevo utvrdila da postoje greške računске prirode u Specifikacijama, te je ponuđačima uputila zahtjeve za prihvatanje ispravke greške računске prirode. Ponuđači "Sarajevo osiguranje" d.d. Sarajevo, "Euroherc" osiguranje d.d. i "Adriatic osiguranje" d.d. Sarajevo dostavili su pismeni odgovor, odnosno saglasnost za prihvatanje ispravke greške računске prirode. Ponuđač "Drina osiguranje" AD Milići nije dostavio pismenu saglasnost na zahtjev za prihvatanje ispravke greške računске prirode, te je Komisija odlučila da ponudu ponuđača "Drina osiguranje" AD Milići odbaci u skladu sa odredbama člana 68. stav (4) tačka g) Zakona.

Nakon pregledanja dokumentacije priložene uz prihvatljive ponude, Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, konstatujući da ponude podliježu primjeni preferencijalnog tretmana domaćeg, te je sačinila listu ocijenjenih ponuda, kako slijedi:

Red. broj	Naziv ponuđača	Vrijednost ponude (bez PDV-a)
1.	"Adriatic osiguranje" d.d. Sarajevo	31.031,94 KM
2.	"Wiener osiguranje" VIG AD Banja Luka	38.470,74 KM
3.	"Osiguranje AURA" a.d. Banja Luka	41.723,82 KM
4.	"Sarajevo osiguranje" d.d. Sarajevo	42.918,42 KM
5.	"Dunav osiguranje" a.d. Banja Luka	43.853,30 KM
6.	"ASA osiguranje" d.d. Sarajevo	56.220,78 KM
7.	"Euroherc" osiguranje d.d. Sarajevo	59.737,24 KM

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača "Adriatic osiguranje" d.d. Sarajevo ocijenjena kao najpovoljnija ponuda, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke, te je prihvaćen prijedlog Komisije i odlučeno da se ugovor u postupku javne nabavke usluga redovnog i kasko osiguranja vozila Agencije, za period od 2 (dvije) godine, dodijeli ponuđaču "Adriatic osiguranje" d.d. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 8x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Danko Čulum

